

永安縣三志序

志乘之作與史鑑相表裏豈
不重哉是以

朝廷纂修一統志必先徵各直
省通志纂直省通志必先徵
各府志州志纂各府州志必
先徵所屬各州志縣志事愈

近而爾愈真文愈樸而愈實然
則爲一州一邑之長者苟見
其書有闕謬宜隨時補正焉
不得以簿書執掌或僻處山
陬海澨輒以不文辭也永安
自前明隆慶始縣萬歷間葉
石洞先生始勦志亦越我

朝康熙二十六年張君進錄知
縣事乃纂續之開方繪圖蒐
引大備稱粵中第一名志迄
于今又百有三十餘年矣雖
其中山川如故井里如故然
而城池學校不無添易職官
選舉歲月增加徭賦戶口豈

docsriver 文川网
入驻商家 古籍书城

在文川网搜索古籍书城 获取更多电子书

無多寡損益之殊吏治兵防
亦有先後因革之異苟執舊
文以觀今日信今必致疑古
其若之何嘉慶辛未

如楠承

乏茲土下車卽索圖記雖張
志具在而葉志已無全本嗟
乎傳聞異辭蒙泉碩果亦可

危矣 如楠 方欲黜勉爲政之

暇詢茲黃髮學步前徽無何
奉文調去而遂不果戊寅捧
牒復來任事會適

宮保大司馬阮公節制兩廣
延聘一時名下士開局纂修
粵東通志且下檄各府州縣

一體纂修舊志盛舉也于是
乃踵初願暨邑中諸賢士採
訪編摩大畧仍張君紀載之
舊而續增焉如楠不文豈敢
自逞亦惟志昔人之志務求
紀實不尙浮言以期無負
上憲篤行實政之心且以備

將來史鑑爲芻蕘一得之助
云爾嘉慶二十四年歲次己
卯仲春知永安縣事鐵嶺宋
如楠謹撰

永安縣三志序

己卯秋 廷芳 來權永安值宋

前令奉

宮保大司馬阮公命續修邑

志甫屬草調去留藁示 廷芳

展閱之僅因前志稍增卷帙

而綱紀節目有闕於藝倫風

教者猶多闕焉卽欲輯成完

書邑士以

廷芳

方下車拊循

慮未暇藉掌故夫政與教相

需者也以爲不暇而遂置之

則求其暇也難矣惟是茲邑

初志創自歸善石洞先生張

君進錄繼之爲次志體例謹

嚴稱粵中志乘各作踵而脩
之操觚誠不可率爾乃延明
經賴子朝侶主講元峰書院
兼事纂校相與孳孳蒐訪文
獻參互考訂綴於篇後與學
博劉君殿颺張君成鐘加以
研討而彙始具時番禹劉樸

石先生方總省志事則又馳
 一介請增損之法前志之謹
 嚴而稍變其體例酌併其卷
 帙綱目井井事增而文不濫
 命之曰三志書成客或疑其
 太簡恐有闕遺

廷芳

輜陋邑

志歷百三十餘年未續傳聞

異辭闕遺誠所不免然政治
得失風俗淳澆所以示激揚
昭法戒者已畧具於是昔康
對山撰武功志祇三卷新城
王尙書稱其文簡事核訓詞
爾雅韓五泉之朝邑志僅十
七翻而宏綱細目包括畧備

志何病病於簡且永安彈丸開
邑不過二百五十餘鎮總先
後紀載已十有一萬餘言安
得爲簡也若夫聞見所弗逮
惟存以俟之而已客唯唯而
退用付剗劂以質後之賢者
是志也宋君肇其端

廷芳

竟

其事當有言簡末乃援筆識
之以次宋君之序之左道光
辛巳季夏旣望署永安縣知
縣侯官葉廷芳謹撰

docsriver 文川网
入驻商家 古籍书城

在文川网搜索古籍书城 获取更多电子书

永安縣三志序

杉華

從事粵乘閱三稔告竣

適永安明府葉侯修邑志成

邇藁下問

杉華

受而讀之憬

然曰地志之作也有幸有不

幸焉彈丸蕞爾何邑無志或

草草塞責不可寓目或前志

錯謬診後釐正之或前志典貴
後蕪穢之蓋得人則幸不得
人則不幸此武功朝邑所以
可傳吾粵亦有戴直指黃宮
詹兩通志足觀也歸善葉石
洞先生爲粵中一大名手嘗
著惠安肇慶順德諸志及永

安志其體例嚴而有法時寓
經濟于方冊之中復得羅念
菴爲之開方繪圖有經有緯
宜其自負曰其事核其辭危
其稱文小而鑑鏡大石洞旣
沒張君繼作又能推廣其志
如舊圖四補圖四十舊卷八

增卷而爲十有七，徒區區七
百里中一都一約，瞭如指掌，
且其文辭質樸古勁，可以後
先輝映，邑何幸也。

彬華

謗陋

曷敢希古，惟是謹承葉侯之
意，以前志爲宗，略變體例，分
爲五綱十八目，諸圖仍弁于

前邑事附之于後不事繁文
不敢掠美名曰三志意在斯
乎道光二年仲春之月番禺
劉彬華謹述并叙例如左

永安縣三志叙例

舊志創自明萬歷十四年丙戌後百有二年迄

國

朝康熙丁卯纂修之稱舊志曰初志後志曰次志示謙也茲編稱曰三志亦幸附于名人之末云爾

初志分爲八卷建置第一都里第二山川第三賦役第四俗產第五官師第六人物第七前事第八次志變之爲十七卷曰建置曰都里曰山川曰古蹟曰學校曰賦役曰兵防曰祠祀曰官師曰名宦曰選舉曰人物曰列女曰風俗曰物產曰寺觀曰藝文今則釐爲五卷竊維志者志地之書也故第一卷曰地理有

地理則有建置其次之有建置不可無經政故又次之經政皆從官師出又次之有官師于是乎人物生焉又次之

古者地志謂之圖經地域廣輪之數與夫山川脈絡非圖莫晰圖而不開方計里非古也初志止四圖惟存大概一邑三都而已次志增二十七約圖有綱卽有目也又有城圖縣署圖儒學圖共爲圖四十四今增元峯書院文昌廟奎閣一圖亦以志一時不無因革云

初志四圖圖各有經卽寬得古名琴江三都記是也

次志以四經入藝文亦未當今特附入都里

次志混沿革城池公廨統入建置合疆域于都里山川風俗物產祠祀學校寺觀古蹟各爲一卷亦未盡善竊維沿革疆域都里山川風俗物產皆地理中事故合爲一門城池公廨學校壇廟古蹟皆建置中事故又合爲一門經政莫大于足食足兵故合賦役兵防爲一門職官者紀官師之源流宦績卽官師之實蹟稱美不稱惡故又合爲一門人物莫詳于選舉其尤賢者則特書之爲列傳名實相副選舉意也而以列女附焉女而節烈女亦以士稱矣

叅議顧養廉通判高守謙典史林天賜皆非吏永安
者舊志以其有功茲土故傳之各宦今錄宦績悉仍
之三人者厥績良偉不妨小變其例耳

初志有前事自爲一卷次志以爲後事本末百年故
佚無可續書故抑之列入藝文今以近事續前事另
爲一卷附以藝文曰卷末則一邑凡二百三十餘年
之大畧可概見於茲

職官選舉舊爲直表今改作橫表以便覽觀

考古史例藝文志止列書目永安無之今就次志所
載序記等作分載各類本門惟餘封贈制勅及詩彙

docsriver 文川网
入驻商家 古籍书城

在文川网搜索古籍书城 获取更多电子书

舊序

初志序

永安承大亂之後民得去湯火歸田野剪荆棘毀豺
虎而居之惟是草車藍縷尙不足以佐百姓不佞謬
吏茲土夙夜兢兢撫流徙度上田定賦更薄徵歛重
積貯養痲疾本秩禮嚴什伍治兵戎詰奸慝正罪法
伐山通道自官師學校祠廟倉廩城池至于杠梁稅
置亦增修矣三皇以前幾千萬歲其君神聖生人之
道豈真如鹿豕然一無事者唐虞來乃頗可著則非
載記之故乎邑新猶開闢之始也夫今不記後何觀

焉以請石洞葉先生葉先生爲作八志繼以四圖其
于疆理山川徭賦民風吏治賢士大夫理亂之原
塞戶口多少強弱之處燦然具矣後之君子求治理
故于是乎在豈惟不佞賴之萬歷丙戌孟冬朔邑令
潛江郭之藩書

葉春及曰永安七里立邑歷十八年天地無窮雖萬
世可知也則在今乎則在今乎故志之邑胡以始邑
胡以制作建置志第一聚衆人而爲合合衆井而爲
邑作都里志第二以辯區賦以奠民居以阜財求以
固封守作山川志第三有土有民斯田賦可則而更